

An üseri Jodler

Sie jodled will sie Freud dra händ,
us vollem Härzä juchzä wänd,
es isch halt eifach so.
Die graue Sorgä tuend verga,
me mues sie eifach jodlä la
dann sind sie wieder froh.

Sie singed will sie singa wänd,
i dä Hosasekke händ sie d'Händ
nach altem Jodlerbruch.
Und d'Hüet dia händ au ihres Plätzli,
me chas no bruchä für es Kässli
nur s'Hosetuech isch ruch.

Sie jodled will sie Freud dra händ
und ihri Freud gärn wyter gänd;
denn Alt und Jung händ Freud am Singä
und wyt soll's über d'Bärgä klingä
denn so hilft a jedes derzuä
üsem Schwyzerländli Ehr a'ztuä.

Schön stönd sie da im Männerchreis
und singed, juchzed, jodled eis;
de Bass dä summed dür de Bart
und oben-us tönt's fyn und zart.
Drum chömed, losed und freuet Eu
an üsernä Jodler "HEIMATTREU".

gemacht und gewidmet von Rösli Rutzer

1984